

摘藻堂四庫全書薈要

史部

欽定四庫全書薈要

史部

硃批諭旨卷一百二十五之十一

詳校官編修臣繆晉



欽定四庫全書薈要卷八千三十三

史部

硃批諭旨卷一百二十五之十一

硃批鄂爾泰奏摺

雍正七年五月十八日雲貴廣西總督臣鄂爾泰

謹

奏恭請

皇上聖安

朕安卿好麼所奏瑞雲捧日一摺交內閣



同日又

奏為恭謝

聖恩事雍正七年四月十八日臣齋摺家奴蒙

恩賞銀十兩馳驛齎回

御賜臣叭爾薩嗎香牙盒四箇手香二團共一匣新印

以手指點少許擦鼻孔中春夏用之甚有益

乳餅一匣人參筍二匣鄭茶二匣共二十瓶抵貴

陽臣隨郊迎至公館恭設香案望

闕叩頭謝

恩祇領訖敬啟摺扣跪誦

硃批許臣以肫摯勵臣以公正俯首捫心益深悚惕伏

念屏除邪障易屏除私障難屏除私障猶易屏除

理障更難蓋一存我見即公念亦便屬私一存成

有此人必有此心有此心必有此黑影子如有一物必
見即正事亦難當理心雖在腔子裏而黑影子未

有一影便勉強捉掣亦不過如暫避無光處一般乃假

能盡淨究難會活潑潑地也臣自

相也一到光亮處仍然耳所以云鏡經八萬劫終久落

陛見時親聆

空亡者此之謂也只要看得破識得透不通身迷入在

天語屢承

內即得夫心中無可棄之念如世間無可棄之物一般
聖訓數年以來覺少有省悟然限於學力終無能自信
但要分真偽耳不必另尋高遠謂別有洞天深處也佛

仰懇

經云火裏栽蓮方不竭聖賢仙佛即在吏治上覓日用
聖慈時加開示時加鞭策俾臣日有進境不愧成人實
中修忠誠二字乃慧劍也有何妖氛鬼魅不能殲滅者

身心之幸亦

幽暗自消光明常熾則無往而非樂土矣勉之

國家之光也再臣接閱家信知臣姪鄂昌復荷

殊恩

特授陝西寧夏道聞

命之下不勝惶恐念鄂昌年甫三十毫無歷練臣雖不

時訓飭勉其自立然相隔萬里不見已數年伊即

不敢為非亦尚未知向正寧夏重地巡道大員臣

鄂昌

人甚用得存心似正才具儘可再加教導歷練不

料鄂昌必不能勝任懇祈

改初心可望成人在內學習與外任事體不同及至外

聖鑒將鄂昌仍調內用俾在部學習稍經事務庶可以

轉大用時仍須歷練豈不多費工夫歲月卿意不過恐

効力或不致貽誤也敬據愚忱一併繕摺差家奴

其錯誤即如卿負朕一般耳然朕用人自有斟酌除自

齋

暴自棄之下流無奈伊何但肯存心向上者自有造就

奏恭謝

之德也可勉勵之

聖恩伏乞

聖主睿鑒

俯允施行臣謹

奏

同日又

奏為

奏報春熟事竊滇黔兩省山多田少民間終歲之計
半賴春季收成以資食用臣經檄行該布政司各
將通省府州縣豆麥收成分數逐一確查彙具總

冊呈報去後今據雲南布政使張允隨詳稱據雲南等二十府昆明等五十六州縣及東川烏蒙鎮雄威遠宣威恩樂等府州縣咸稱所屬地方田地高低不一自冬迄今雨暘時若本年大麥小麥均有十分其蠶豆雜糧有八九十分不等相應據實詳報等情又據貴州布政使鄂彌達詳稱黔省今歲雨水調勻凡民間布種油菜豆麥春蕎雜糧等項現在收穫如貴陽貴筑清鎮安南綏陽餘慶甕

安湄潭都勻府清平印江婺川龍泉思州永從威
寧大定等十七府州縣俱係十分收成其定番廣
順開州貴定龍里修文安順鎮寧永寧普定安平
南籠普安州普安縣永豐遵義府遵義縣正安桐
梓仁懷平越府平越縣黃平獨山麻哈都勻縣鎮
遠府鎮遠縣施秉思南安化石阡玉屏青溪銅仁
府銅仁縣黎平天柱錦屏開泰平遠黔西永寧畢
節等四十四府州縣俱有九分收成至於蠶豆有

隨便

帶些來朕覽不必多一半升足矣
粒大如粟者豌豆有粒大如榛者尤從來所未有

感名

等情各到臣伏查軍興之地半少豐年為兵氣農

天和惟

以舒暢人情為要彼不與
祥格不相入也今兩省年來頗有勦捕之役而

天同體

同心之輩其舒暢與否不足論也朝堂之上邪正
上天眷佑屢賜豐穰仰窺

不兩立猶之庶民良莠不能同今舒暢也果能誠敬秉

聖慮之誠通敬記

公扶正驅邪除暴安良

聖訓之明切益信生亦非恩殺亦非殘但出無心不妨

上天必賜

嘉應若政令之溫肅賞罰之寬嚴乃以遭遇而
有事臣實不勝傾折愈不勝愷惕再臣駐劄貴陽

論豈可以為數之多寡而言也但以有意敬便責一人

已逾兩月天氣晴朗雨澤霑足曾徧歷郊外見麥

亦不可若以無心應便

已登場現藝田插秧者

已十之七八

婦子恬熙苗

是然亦不敢自信總之以仁為體義為用斷不至大謬

夷樂利見諸官府饒有愛敬意臣竊不禁色喜心

也

動轉恐教養無術有負此赤子天性也合并具

上

天神明洞鑒矣勉之然大海不可就百川少見不透恐

奏伏乞

防泛濫也諸事寧可使由不可使知此

聖主睿鑒臣謹

天

道也凡任統率之責者皆當法之總莫令人看透末後

奏

一著則皆為已用而不令人愚矣然有意防範更下乘

也總在無聲無臭處著脚則從何處窺探吾之底裏乎

上天滄海之功德亦不出淵默二字然昭昭顯露無絲毫
隱飾也非具徹底掀翻之眼界不能至此

同日又

奏為報明清江頑苗就撫攻克情形事竊照八寨丹
江雞講九股八萬等處生苗俱已招撫寧帖惟清
水江深險之地有公鵝雞擺尾等寨尚在抗拒囑
令撫臣張廣泗親往駐劄柳羅地方調度添撥官
兵前往勦擒臣暫駐貴陽以作聲勢各緣由於四

月十五日具摺奏

聞四月二十六日准張廣泗來札內稱十四日抵清水江行營詢察苗情周閱地勢已撫各寨俱依向堅切頑苗之敢於抗拒者獨公鵝柳利雞擺尾雞服黨白索白汗等十餘寨約計二千餘戶又有僻遠零星寨分雖未公然出名而亦有潛來幫助者此等處所除公鵝一寨素稱強暴久為生熟苗夷之害實有難以德化者其餘各寨雖聽公鵝勾結然

係烏合本不固結今聞自丹江統兵而下隨各自
渙散柳利寨苗人遂自來坡下喊求叩見情甚可
憫此義所當收雞擺尾等寨各自歸守皆有願來
投誠之意公鵝一寨亦遣人懇求招安等語臣查
柳利雞擺尾等寨雖夥同助惡亦難輕縱然既有
可原之情即有可寬之法至於公鵝一寨先則伏
路截兵繼復渡江挑戰威逼隣夷指揮衆寨實屬
巨惡斷難姑留況該寨緊逼清江盤踞要害將來

疏通河道舟楫往來寧不遭其剗掠是務當乘機
勦滅以計久遠者即或哀乞誠切義不屠降亦必
令將倡謀造意諸犯擒縛投獻明正典刑然後收
撫餘黨免其全寨誅戮庶幾威不損恩不濫以示
羣苗方為妥計隨作札切致撫臣去後今於五月
十七日戌刻又接張廣泗來札內開雞擺尾雞服
黨等寨已陸續赴營願就招安公鵝久成孤立正
可渡河擊之一舉而定時因連日陰雨河水暴漲

山霧彌漫是以指揮既定而復罷者數四直至五月十二日天氣清明遂於十三日撥派已定於十四日五鼓分遣將士酌量地勢先後奪船而渡頑苗先於江岸拒敵繼於箐林伏截迨我兵衝擊敗退猶復歸寨死守我兵鼓勇直前壞垣躍牆而入四面舉火燬其巢穴公鵝頑苗被傷斃擒殺及被焚死者甚衆新撫各寨苗民於山頭觀戰莫不且喜且懼至雞擺尾既經就撫前令提標守備任龍

等帶領駐劄九股之兵在彼無事檄調前來適於十四日已到即分布兩岸劄營聲勢愈壯清水江路自可開通無阻矣官兵內銅仁協千總曹文元右腿微傷兵丁帶輕傷者八人皆可無虞等語臣因賊寨雖燬賊衆未必盡傷倘容其暫時躲避不竭力搜擒恐兵退而賊復聚又將有事應乘此軍威務將公鵝盡行屠滅此為上策如勢有不可或宣諭雞擺尾等寨併力攻取許擄其子女分其田

土猶可得中策善後之舉更須慎重籌畫隨即札
覆撫臣去訖除將先後勦撫事竣情由彙疏
題報外所有清江頑苗就撫攻克情形合再奏

聞伏乞

聖主睿鑒

臣謹

奏

嘉悅覽焉但善後事宜須謀萬全不可少有疑貳頑苗
經此一番懲創必有數十年之安靜若仍照舊安插可

以相安則更可免異日之煩勞如鄉信得及可一勞永
寧又何憚而不為也此全在鄉通盤悉心籌畫而為之
者詳慎之

同日又

奏為

奏明徧化生苗嚴懲兇犯情形事竊照貴州安順鎮
寧永寧永豐定番廣順等府州地方生苗環處向
居化外該地方文武各官既無從撫綏復不能防

範以致橫行無忌恣意逞兇統衆則剗掠漢民恃
強則殘虐同類視為慣常無人過問實數百年於
茲矣臣欲漸施整頓以計安全是以商同提臣楊
天縱委令平遠協副將劉成謨安順營守備熊權
等並會同文員持示前往徧行化導歷將各緣由
具

奏在案今臣自滇赴黔陸續據報凡遠近生苗生獍
生狎並直連粵界如擺羅宗地最險極邊等處莫

不聞風向化認納錢糧又有定番州屬榮歌等六寨生苗永寧州屬太平等十二寨生苗俱欲投誠內附因不識路徑特央求熟苗領赴行營并招同喜松等九寨生苗皆願預納糧銀歸化誠切自本年正月起至四月止共化出五百四十一寨合計前後所化生苗獍狝共一千二百九十八寨五千九百七十八戶男婦三萬五千九百八十二名口各認納銀米共合三百餘兩業經分編各府州就

近管轄所有舊化各寨應納六年錢糧皆已完納
新化各寨應納七年錢糧現已全完其沿途叩見
及赴省投見頭人共七百零二寨臣俱傳集面加
開導賞給銀牌紅紬其歡欣鼓舞合掌同聲願聽
約束誓為善良之狀似皆出自至誠或可永無反
覆但夷衆既撫允頑宜除若少事姑息終必為後
慮前據各文武稟報據頭人阿納控告擺頂之松
柰寨頭人老錢傭擄伊董愛寨鮑六觔男女十口

並阿慢家男女六口又擄伊那毛寨阿並家姊妹
二口又擄打必寨阿成之子二口等情查老錢傭
積年擄掠不止此數事該犯擄到人口或行轉賣
或自役使必勒其本主父母將銀布牲畜等物換
贖始得放回其肆惡一方實為巨害但擺頂一帶
最為險僻擒拏不易隨委弁酌帶土兵前進埋伏
令通事過話而老錢傭糾合把朝等六寨頭人率
領夷衆二百餘名佩刀帶弩仍有逞兇之勢該弁

等設伏計誘犯已就擒而附和之松柰把朝等寨
感恩悔罪各准歸業老錢傭之妻子隨皆勒令投
到再可老寨犯苗吳曰列前因擄賣阿燕之妻被
苗首告隨差人往查該苗一聞差到即哀乞求饒
赴營投順俯首伏辜且帶鄰苗三寨一同聽撫又
有擺岡寨兇苗阿六阿成等於雍正六年十二月
內商謀網賣呈金寨韋阿利之子阿降乃先誘韋
阿利至荒山毆斃復潛入阿利家將阿利之妻阿

升拉出打死搶去阿降轉賣與把弄寨之阿征得

受銀兩牛隻各賊俵分該委員等擒獲審供隨一

併押解到省臣即將兇苗人等發兩司鞫究據覆

老錢傭一犯遠年事件甚多伊亦不能全記而近

擄各苗供招已確按其所犯皆應斬絞但若照例

定擬勢必監候倘斃於獄不獲明正典刑且現在

無以示儆是以批令該司傳集赴省未回之各生

苗頭人將首惡老錢傭數其罪狀立斃杖下衆苗

觀看莫不膽戰骨悚知以老錢傭為戒其從犯阿
重阿項等俱重責枷示另行遣發於雲南之中甸
廣西之土田州安插其阿六等因欲網賣其子先
謀殺其父母將韋阿利夫婦俱行毆死其兇殘慘
毒實罪不容誅因狡供未定逸犯未獲復押令前
往行兇處驗屍今屍傷已經驗明實情已據供吐
逸犯亦經獲到俟再覆審確實亦應發往苗地當
衆處死庶使受害者冤抑得伸聞風者共知警懼

其吳曰列一犯既悔過自新化苗贖罪當從寬釋
放業經面加嚴飭並詳切開導令與各苗頭一並
回寨安業訖至於前後招撫地方周圍計一千二
百餘里凡扼要處所務須安營分汛彈壓調劑庶
可以日久相安黔兵無可抽調不得不懇

恩添設臣現與提臣楊天縱熟商妥議同編定寨分戶
口錢糧并管轄界址各冊分疏具

題咨部外合先

奏明伏乞

聖主睿鑒

臣謹

奏

添設營汛朕原有旨不可惜費但數千里生苗地界內
設汛彈壓恐武弁中未必能盡得其人而用之倘因些
小事故激成事端所關甚鉅恐將來不勝其料理當
思萬全妥協而為之不可因目下之恭順而必其蠢頑
之不復作也朕意可相其險隘苗界與內地相連處多

設兵以鎮撫為上此朕遙度之意卿就近親視情形自有定見朕所諭者正恐因目下情形有誤久遠之規畫也悉心籌畫料理不可視為輕易夫頑苗之反覆何能保其必無但須先事圖維預為防範可慎重為之

同日又

奏為

奏明事竊照川販勾通黔棍畧賣民間子女向來文武各官惟利無事並不實力拏懲而差役兵丁遂

爾得錢縱放互相容隱以致毫無顧忌漢夷並遭其毒且竄入苗寨勾結為非靡惡不作實為黔省之害自雍正四年發兵擒勦長寨頑苗拏獲積年販棍李奇等臣親加嚴審定擬

題請正法之後雖稍知斂形然終未絕跡揆厥由來蓋緣承審各官或因夥犯未獲或因供證未明藉故拖延因循懸擱雖有一二完結率多草率了事姦惡之徒嗜利忘身不無仍踵舊習臣復屢行嚴

飭緝拏所有報獲各起謹摘事由逐條具

奏

一起川販王之奇等查王之奇於雍正六年九月初二日同夥黃兆戎黃兆策至貴州凱里附近之昂歐寨時值官兵勦撫生苗之奇貪得銀兩代充細作至凱里探聽兵馬告知苗頭阿扛等率衆堵截隘口經凱里兵丁拏獲

一起川販張之臣等查張之臣同弟張之相販騾

來黔賣得價銀路遇未獲之盧世臣商為人販
於雍正六年十二月十五日至世臣之兄盧現
正家買得苗女又有未獲之販棍陳老三等與
盧現正亦各販苗女希圖同往四川發賣在途
被獲經平越縣審出各情被販苗女十二名口
給還親屬訖

一起黔販陳金保等查陳金保於雍正六年十二
月十九日誘騙苗人阿講賣與高規地方夏家

又有苗人阿王即係阿講之弟與伊妹夫阿往
商謀將阿講子女亦賣送與夏老五家經都勻
府拏獲詳報

一起黔販劉之漢等查劉之漢同子劉正及夥黨
戎師兵戎師頭并未獲之戎老二川販熊佩武
販賣苗男婦女於雍正六年十二月二十九日
潛往四川轉賣經平越營防兵躡踪拏獲解縣
訊供究明詳報

一起川販梅廷現等查梅廷現與戴志善并未獲之梅兩素於雍正六年十一月初三日來黔欲買馬匹路遇夏老五邀同販人各買得男女往川轉賣復回買馬有窩犯黃燦知情容隱經麻哈州差役人等拏獲解官訊明詳報

一起黔販李老滿等查李老滿與駱天正胡思學并未獲之萬顯雲共謀與販齊至鎮遠居住之王騰蛟家歃血結盟於雍正七年二月初一日

遇買牛苗子二人遂取其銀兩誘往岩洞細帶
往川路經塘汎被石阡防兵盤獲解官訊供具
報

一起川販周世隆查周世隆與黔棍謝聖選等販
賣子女雍正七年二月十八日藏匿於凱里所
屬之川岩山洞被苗首報汎兵前往拏獲解交
清平縣訊供詳報

一起黔販楊老公等查楊老公與未獲之余成龍

等夥販苗男苗女藏於清平縣屬之狗窩地方
雍正七年二月十七日被防汎弁兵拏獲并獲
窩家華文秀移縣詳報

一起黔販杜煥如等查杜煥如與周世蕃於雍正
七年二月十六日同遇窩家陳老二等勾引販
賣苗男苗女經麻哈州土官拏解該州詳報

一起川販黎尚文查黎尚文與張明儀到黔賣花
於雍正七年正月二十六日商同未獲之關子

招轉託希惟勲引賣苗婦苗女被麻哈州差役
拏解訊供詳報

以上十案情事雖有不同罪惡實皆顯著此外仍
有舊案數起亦未便竟置不究臣現今在黔自應
就便速行審結業經嚴行貴州按察使勒限催提
審擬招解臣即親審勘定具

題請

旨分別正法發落庶現犯者得以伏辜未發者知所懲

倣而積案亦得清結至於各種販棍原即係漢姦
夥同苗狎則殘害漢民夥同漢民則愚弄苗狎其
行踪詭秘半潛住於山洞石窟密箐深林臣現又
通飭文武各官令砍伐林箐堵塞窩洞並嚴加防
範實力巡緝外合先

奏明伏乞

聖主睿鑒臣謹

奏

好此輩當盡法處之再嚴加訪緝務令此風盡息方可

同日又

奏為軍田加稅難完仰請

聖恩寬免事竊查貴州省軍田一項原係前明屯衛軍丁管業糧賦差徭較民田獨重自

本朝裁汰衛所改設州縣後軍丁之名已經革除其向編屯糧仍照舊輸納因此田受之於官例不買賣或有軍丁故絕遺產無歸或有子孫困窮私相

典當此紛爭占奪訐訟不休所由來也臣前於雍正四年到黔時前布政使申大成即有加徵稅銀之議臣以軍田名色雖由官授然子孫相承已三百餘年原與已業無異且糧賦最重幾倍於民田若更每畝徵稅五錢恐不可必得反多擾累議遂中止迨申大成內調入欵條陳部議准行臣恐已見未確不敢執謬隨經轉飭遵行在案今臣因公來黔據軍民人等紛紛呈訴雖恐長刁風仍行批

飭而留心訪察復面詢司道府縣各官知軍丁先
代受田因明時隨征有功分給土地計軍一户授
田十八畝除上納屯糧歲丁外一切差役皆軍戶
應承在當時已不免苦累故雖田本膏腴難以割
棄而故軍子孫欲脫重賦轉售於人者已十分中
之八九申大成謂故軍子孫坐享無價之田獨不
念該軍戶等累代累世之應差納糧猶不足抵十
八畝之田價乎是所見之小矣至謂百姓頂買軍

田利其價賤者按民間置產必核算籽粒除算錢糧然後合其利息照值論價此各省皆然查貴州軍田一畝自一斗五升起至三斗七升科則不等歲丁在外是便以一畝之價買得民田二畝之田而應納錢糧已以一畝可抵民田二畝之賦故雖軍田賦重而未便驟議輕減者實亦於輕重之中仍權量平準也今若每買田一畝再徵稅銀五錢合算每戶十八畝而應完銀九兩雖據稱有十餘

萬之虛名料難完數千兩之實數究於民生無益
更於

國賦何補相應仰懇

聖慈將申大成條議新增稅銀一項准

賜豁免凡田土授受悉照常例投稅印契從前私相典
當者並令首明完稅補給契紙准其管業如有豪
強侵奪及仍敢隱漏者嚴加懲罰庶訟端可除規
條畫一而民無觀望軍無藉稱即清理田畝一案

亦可漸次就緒矣謹繕摺

奏伏乞

聖主睿鑒施行

臣謹

奏

所奏是已交部議覆申大成真庸愚小人也

雍正七年六月十八日雲貴廣西總督

臣鄂爾泰

謹

奏恭請

皇上聖安

朕躬甚安好向來朕甚畏暑今歲都中盛熱而總未覺
苦飲食起居更好諭卿慰念卿好麼

同日又

奏為恭謝

聖恩事雍正七年六月初六日臣齋摺家奴蒙

恩賞銀十兩馳驛齎回

御賜臣各種錠藥一匣紗羽洋席芭蕉堆繡各種宮扇

共六柄一匣畫扇四匣素扇二匣各種香囊共二
十七匣桂花雕香一匣黃紅絡手串四匣各種香
藥扇墜四匣抵貴陽臣隨郊迎至公館恭設香案
望

闕叩頭謝

恩祇領訖敬啟摺扣跪誦

硃批朕躬甚安好今歲飲食肌肉更覺增長健壯卿好
麼欽此又敬聞擇吉遣師先期告

廟頌

敕大禮既成

天日晴和氣象舒暢

聖駕大閱官兵人人感奮懽聲雷動臣不勝忻忭不勝
踴躍再雲南大理府同知佟世蔭回任過黔臣敬
詢

聖安據佟世蔭傳示世蔭跪辭之際奉

皇上面諭佟世蔭你再細看看朕身體精神可好世蔭

回奏

主子聖躬精神甚是安好隨蒙

諭旨你就將朕身體精神這般安好回去告訴總督鄂爾泰教他放心以前朕聞得他因辦事過於憂勞以致身子氣弱甚不放心教他此後惟遇緊要大事親身料理然亦不可過於憂思凡夜晚辦事最是傷人務教他善體朕諭以仰副垂注至意欽此臣爾泰敬聆之下仰窺

聖慈氣咽泪流莫能自解伏念都俞喜起古已稱難如
臣遭逢更何倫比洵以臣子之名實無受

君父之生成千載而後猶且不朽臣若有心惜身即是

悖負臣若有心不惜身亦是悖負今自冬春以來

深慰朕懷欣悅覽焉

血氣充足精神强旺實較前增壯此僚屬所共見

務當凜體

訓諭節慎自愛萬不敢於無關緊要事積憂耽勞以致

復墮

聖慮謹此繕摺恭謝

聖恩伏乞

聖主睿鑒

臣謹

奏

覽卿奏謝矣

同日又

奏為新開水道并興修陸路事竊惟邊境之大防莫重於苗獮而窮荒之大利莫急於舟車查滇黔兩

省崇山複嶺鳥道羊腸旁逼夷巢中通一線因舟
車之難至致商賈之不前是以開闢近百年而猶
無殊草昧其各郡縣內地原不無大小河流可疏
鑿以資灌溉亦緣半由苗界出入遂因循至今臣
自叨奉

簡命雖已遍訪熟籌思欲開修而苗疆未靖兇頑未除
慮有阻撓故不得不緩待今仰賴

聖主仁威強梁者就擒良懦者歸化業已粗定只須撫

綏若不及時興舉以計久長恐日後不無懈弛又將觀望臣故於去歲冬月即遍飭估勘以便次第料理所有疏濬雲南府之滇池海口及金汁等六河并自阿迷州直達粵西大河等緣由前經臣摺奏荷蒙

硃批有何可諭可謂超羣拔類之辨理為從來封疆大臣未舉之善政也朕為滇南赤子曷勝慶幸凡此等有利於地方民生之事若有應動正項者只管奏請

不可瞻顧竭蹶從事欽此臣伏讀之下不勝慚悚不

勝踴躍務當竭力盡心期於有濟斷不敢少有瞻

顧以上負

殊知並負滇黔赤子已耳茲於五月二十三日據雲南

廣南府賈秉臣等覆稱職等奉委開河隨同各委

員沿江查勘源發於潯江流達於粵閩內有巨石

間阻疊灘陡險相傳漢唐迄今未曾開鑿職等詳

看形勢初甚以為難乃不數月而功已告竣自阿

迷州以下一千五百里至剝隘之水道已通八達
河而土黃一百六十里之旱路亦修整平坦可行
車馬是不特東西兩粵片帆可至將來通商並可
達吳楚等情臣隨飭令多造鰵船麻陽船并於楚
省雇募熟練之匠工水手前往廣南教習彼地民
人打造撐駕復繕刻告示飭發滇黔粵三省地方
官通行曉諭使各商賈知往來貿易之便其所費
工價俟該府等開報到日臣即照數捐補緣去歲

臣有餘剩存司養廉銀五六千兩可以充用並非
敢小見竭蹶從事也又據糧道黃士傑覆稱海口
子河由清水閘新村大閘開通瀉入大河水勢俱
已暢流可無壅滯之慮現值農忙已暫時停工俟
秋成後再開修下截其盤龍江金汁銀汁寶象馬
料等六河俱已疏濬深通凡各河閘口俱飭巡水
人役用閘板啟閉以資分灌民田現在遠近俱已
得水等情此臣前

秦粵河滇海水利之大概也再曲靖府屬尋甸州有
宣甸二里地面低窪時遭淹沒者計二十餘村又
宣化七甲之歸龍寺山後有山河一道直垂瀑布
流於山下可引以灌山下之田而土民畏其工費
僉云難成若疏鑿開渠山下田畝可開者不下千
工旁有橫坡亦可陸續增墾又果馬里十甲之潘
所海子其地土約四五千畝而兩溝山河及五六
月霖雨併四山之水俱積聚於此無路消洩只於

南山脚下亂石罅隙中浸滲不得通流因而低下
田地屢被淹沒又乞曲里之五里箐地勢水道約
可墾田亦應修築渠堤臣前經詳飭該州逐細查
勘復於赴黔之便路經尋甸又備悉指示續據知
州崔乃鏞先後覆報宣甸二里勸民修葺堤渠已
免受水患歸龍山河隨雇覓匠工遍歷山巔用築
堤之法鑿石開渠并雇土工築壩蓄水三月內已
經完工現在引水開田潘所海子搜剔石孔已鑿

通洞口七處皆可消瀉海面之積水其兩旁田地
已現可開墾五里箐地方修濬水渠亦已告竣現
在具詳藩司請領工本分給各民買備牛力趁時
布種等情至該屬有海子屯大河聞每多氾濫以
致平原沃野盡成草地沙洲業已數百年甚屬可
惜臣令繪圖呈送並飭親勘估計工程幾何需費
若干先召募湖廣熟練工匠確核詳請俟秋後興
工此尋甸州水利之大概也又臨安府屬建水州

之南莊十六營以下暨獅子口郭衣村羅家坡大

小回龍宗家莊中所營金雞寨等處田地甚多並

無活水灌溉若雨澤愆期地皆焦土田半荒蕪每

致栽插過時秋成失望經臣飭令該知州祝宏設

法疏濬今據詳覆訪問父老知附近南莊李浩寨

山腹之中有過泉一股常聞水聲晝夜不息卑職

親往查探見山中陂地深邃源流甚遠似可疏通

以濟田地隨招募人夫備辦器物至李浩寨對山

開鑿因高坡層疊巨石嶙峋幾費工力不能疏通
遂用穀糠灌試之法尋流三十里果浮出於州屬
之老鼠窄石穴其水徑由此山無疑因即於李浩
寨山外里許穿穴地道伐木為廂截流激水已於
四月二十六日開鑿告成穴中水湧湍急開溝築
堤順流以資灌溉並立約各村每至播種之候按
定時刻挨次引水豪強不得阻截其歲修溝堤著
有田之家各就已田濬築毋得推諉再山穴出水

之處有民田二坵既在其田側建堤不無藉口亦
給價銀五十兩買存以免滋擾其開鑿人夫俱止
捐給口糧各村踴躍赴工並無工價等情此建水
州水利之大概也至於貴州通省河水源流道路
平險早經臣檄委勘報並繪全圖以便籌畫除支
流小路應漸次開修外如鎮遠府屬苗界之清水
江上達平越府之重安江下通湖南屬之黔陽縣
現可行舟無須修鑿實黔省之大利前因生苗阻

截故須有待今兇頑既經剿撫夷民亦知便益據
該府方顯稟報由柳羅行營裝米試船已直到施
秉又用船四十隻令弁役前往黔陽縣買雜糧試
運俱可通達無阻是此河道計日可以常行矣且
由重安江至都勻府亦有河道少加疏鑿即可行
舟由都勻府至省現據知府王鍾珣勘報可開寬
平大路堪以行車既避舊路之險又近止三站是
急宜興修者又府屬獨山州之爛土司地方亦有

河道可通粵西聞計程七日便可抵柳州因路經
來牛寨生苗地界向不能通臣已密行黔粵各官
確查路徑先示化導如或敢拒命應即剿滅此寨
以通聲援至黔省通滇大路如關嶺盤江等處實
係險途臣擬由安順府之安莊另開新路直出亦
資孔寬平可以行車且可裁減三驛前歲已有成
議業經奏

聞時因黔員各有異議不無私心臣轉恐已見未確遂

復暫止茲因公赴黔沿途覆加查問又委員細勘
據稱實係路平而近並無阻隔只有一坡稍險亦
遠不及關嶺易於開修等語臣當更與撫提二臣
會商妥酌另疏請

旨此黔省水利之大要陸路之大端也竊念庸人俗吏
難與創始易於落成若立有規模俾知利益則相
因相習官不必率而自勤民不必勸而自力將不
數年即支流小路亦皆遍行開修臣當敬體

聖訓凡有利地方民生之事如果有確見應一面請動
正項一面預備料理千載一時力半功倍臣知自
奮臣知自勉矣所有新開水道并興修陸路緣由
相應

奏明伏乞

聖主睿鑒臣謹

奏

欣悅嘉獎觀覽六字不能諭朕之意而此外又覓欲諭

之辭不得在卿自為參詳可耳

同日又

奏為奏

聞事竊照清水江之公鵝等寨頑苗素行兇殘虐害夷
衆抗不聽撫屢次拒敵官兵經撫臣張廣泗分兵
進剿業將破寨殺賊情形繕摺

奏報查自五月十四日懲創之後羣苗震懾向受公
鵝荼毒者尤切懽忻官兵隨分作兩營對江駐劄

防範乃公鵝餘孽猶敢即於十四日夜暗寇新營
隨被官兵擊退有雞擺尾寨苗因先曾與公鵝合
榔為公鵝苗激動復行勾結聚集千餘人於十五
日竟來攻營當復被官兵鎗死者甚多賊苗俱各
奔竄十六十七等日有董兜等各寨苗頭來營投
誠前附逆之柳利寨雞擺尾大寨各悔罪求生又
有白索等五寨同雞擺尾苗頭來營上納錢糧願
聽約束該營府等隨細訊漢姦曾文登撥唆被殺

事由據供苗等原割了木刻要來投降是曾文登
說你們不要去見不要上糧若今年上一兩明年
就要上十兩還要大田當差所以聽了他的話實
是被他誤了今定當縛獻等情隨立將曾文登並
伊妻子共六名口縛獻來營嚴訊之下俱直認不
諱即令於行營梟首示衆該犯家口應酌賞出力
弁兵現解鎮遠府禁候旋准撫臣張廣泗札開各
寨聞公鵠破滅雞擺尾收撫連日赴營投誠納賦

討求告示者暮夜不絕即遠處生苗皆自來投撫
其公鵝逃苗奔竄無地亦自投軍營認罪求生尚
未准其招安等因臣以衆寨雖經懾服但該地環
夷背水形勢險要必須就地即駐重兵庶可以資
控制此江最關緊要務須熟籌萬不可少有將就
緣由札覆續又連接撫臣札稱現在駐兵於北岸
彈壓凡沿江可渡處俱委弁守探其公鵝逃匿之
苗若發兵搜捕勢難盡俘其衆捕之愈急逃匿愈

深既不能窮追徒為他寨添羽翼留此三百失業之苗反致滋事因就其懇乞哀切責令繳獻鎗械并令托柳壽等大寨具保方准收撫初五日據各寨苗頭帶領公鶩苗人赴營稟稱公鵝歸順求生不敢復反日後倘有犯法我們衆寨領罪情願殺他隨繳獻鳥鎗環刀標鎗弩弓甚多查苗地向有合款之例今清水江南岸遠近投撫生苗已納糧編甲者共四十餘寨不下萬戶因傳其合款適於

初五日齊集隨曉以公鵝罪狀姑念老弱無辜今
仰體

聖天子如天之仁暫准招回賞還田地如果能改過則
永為良民倘少萌異志即立就殲滅又告以清理
苗疆之舉

朝廷不惜錢糧官兵不辭勞瘁原為開通清水江河
道使商賈往來財豐物阜為爾等苗民垂永遠之
利若不安營設汛河道終不能開今於公鵝寨基

安設大營餘擇善地另立塘汛保護客商稽察匪類該苗等聽聞之下莫不歡喜慶幸始知自古漢兵不渡河孔明曾與立石為信之語亦皆漢姦有以教之也目下因江北岸有平夏一寨約三百餘戶向屬生苗兇惡更甚去歲正當清理苗疆猶敢殺死順洞之糧苗六命捉去二人一帶苗民銜恨入骨現在勒令獻兇如敢抗拒延應即發兵進剿此寨不除無以服衆苗之心故仍須有待再清水江

上下接連九股南岸直達古州地不止千里而現

在聞風投附之苗已數萬計駕馭撫綏實非尋常

所能勝任蘇總兵辦事忠誠威名素著得士卒心

有兼人之勇如得委調前來即可以交替前進黎

平安撫古州矣等因查總兵蘇大有前在丹江因

腿受鎗傷久未平復臣到黔後即調官祿往替令

回省醫治復割開皮肉取出二鎗子不二十日俱

已全愈行走如常隨經面委並囑一切機要即令

於本月十二日前赴清水江去訖平夏一寨不難
完結雞擺尾等苗尚須防範此番料理張廣泗頗
稱周詳蘇大有必能幹濟也五月二十三等日據
駐劄丹江之定廣協副將官祿呈稱丹江苗衆甫
經歸附因有漢姦老楊老許以鬼師之說煽惑愚
苗復萌叛念都司羅資袞聞知差頭人阿豹等五
名往彼開導令將漢姦獻出請賞乃該寨苗人聽
信漢姦竟將阿豹等殺害即於二十一日夜前來

刦營被官兵鎗礮擊退現在確查漢姦並倡謀寨
分續報等情續據呈稱自擊退賊苗之後各苗寨
無一反覆且恐有干連俱到營誓信隨加獎賞安
慰其反覆苗衆係桃繞大寨今見各寨俱自投辯
訴料無幫附亦著屬苗到營投順當即著令獻出
漢姦兇手去後隨據該寨頭人阿尚等先後縛獻
漢姦老楊老許到營除漢姦二名已嚴訊牢禁候
示外現在勒獻兇手再報等情臣查苗人之反覆

實由漢姦之播弄漢姦不盡除苗寨終難寧帖況
丹江一帶原未及妥辦目下多一番整頓將來加
一倍安帖倘將就完事即致悞事必轉費事臣屢
蒙

聖諭指示詳明業欽遵凜體每事類推現計各處官兵
雖已足用但久役疲懈及疾病懦弱之兵料所必
有且苗疆一有定議即應設汛安營分駐彈壓若
俟具

題准咨到日始行召募則數千之兵即一年亦不能

足額臣於四月內即通檄各標協營令遍查餘丁

現據冊報現可充伍者已近二千名適安籠總兵

官哈元生赴省提臣楊天縱亦即繼至臣與酌商

甚是

凡事當務慎重謀萬全而為之

先於各營再派精壯兵二千名即委哈元生帶往

先到丹江以備調遣并查勘各處將疾病疲弱等

兵替換回營將來即留駐新鎮仍將餘丁添補庶

可兩無缺誤再蘇大有擬調黎平新鎮之處經臣

摺請業奉

俞旨亦應預先具

題到有旨

題以便部議俾蘇大有得以安心料理而鶴麗鎮缺

亦不致久懸合併聲明統乞

聖主睿鑒臣謹

奏

覽

同日又

奏為謹報廣西豆麥收成分數并雲南陸涼南寧二
州縣被水情形事竊照雍正七年分滇黔二省豆
麥豐收臣已查明具摺奏

聞今據廣西布政使張元懷呈稱本年豆麥收成分數
除梧州府屬之藤縣容縣柳州府屬之融縣南寧
府屬之忠州歸德果化下雷湖閏遷隆剝甘上中
下勾慶遠府屬之東蘭那地南丹忻城永定永順
長副思恩府屬之歸順都康興隆等漢土州縣共

二十屬尚未報到外其餘漢土州縣共九十四屬彙
造總冊呈送并據冊開泗城一府橫州上思河池
三州富川賀縣修仁昭平懷集桂平永淳懷遠
上林等九縣安定白山古零定羅舊城那馬等土
司奉議土州所轄向不種豆麥鎮安土府土田州
武緣縣向武土州種麥甚少收成只有二三四分
賓州甫種黃豆向不栽麥鬱林州所種豆麻芋薯
均有八分收成新寧州博白縣從不種麥所種黃

豆黑豆七月始收西隆州西林縣俱不種豆麥西
隆所種小米早稻糲子均收成八分西林所種小
米收成七分岑溪縣不種大小麥間或種豆向來
收成無幾永寧縣只栽豆收成七分思明土府州
左州養利永康象州等四州隆安崇善思恩三縣
萬承太平安平恩承龍英全茗茗盈佶倫結安都
結鎮遠羅陽江州羅白下石西思陵憑祥上下凍
等各土州并上龍下龍二土司所轄俱不種豆所

種小麥蕎麥均六七八九分收成其入夏并夏末
秋初始栽豆現在止種麥之州縣惟遷江一縣六
七分收成臨桂興安陽朔永福義寧灌陽平樂柳
城荔波宜山天河等十一縣全州一州有七八九
分恭城馬平雒容三縣俱十分收成豆麥兼種之
州縣內蒼梧縣豆係五分麥係七分平南縣豆係
五分麥係六分宣化縣豆麥俱係六分羅城縣豆
係六分麥係八分永安一州靈川荔浦貴縣北流

武宣陸川興業來賓等八縣豆麥俱有七分九分

又獐獐不諳種植之上映土州豆麥只收三分土

上林縣下旺都陽二土司所轄豆麥止收五六分

至各屬米價惟永安新寧二州每石市價一兩三

錢零餘自六錢八分起至一兩二錢零相應據實

深慰朕念

奏報至雲南陸涼州之馬廠地畝向係臣標五營官

兵牧場東乃一帶高山西南北三面皆土坡高阜
之地每於五六月間大雨時行山水驟發馬廠之

中地勢低窪為聚水總匯臣因原未牧馬徒為刁

頑侵占經委員招民開墾成地每年於秋盡冬初
水涸時播種麥蕎等糧至次年四月及五月初收
穫復慮不能全熟故科租從輕其上則地每畝只
完小麥租一斗中則地每畝完小麥租八升下則
地每畝完大麥租六升除完升斗官租外其所得
花利頗多連年皆係十分收成臣已

奏明歸公在案今歲因春雨霑足兼有閏月節候少

遲適值四月中連雨上流河水泛漲所以馬厰內
之低下地畝不及收穫致被水淹撫臣沈廷正據
報隨委府州各官同往覆勘續於五月二十六日
據覆被淹者二萬三千七百餘畝未淹者一萬四
百餘畝被淹之地計算大小麥租該折徵銀一千
九十五兩五錢零但馬厰歸公納租原與民間納
賦之田不同且止一隅而各戶未淹之地業已十
分收成況此承種佃民皆係紳衿吏役各有本面

稻田現在及時栽插實與窮民有間米價亦不昂
貴此項租銀或減免或緩徵等語臣復批行布政
司詳核酌議去後旋准撫臣沈廷正札開馬廠被
淹應輸本年糧銀一千餘兩若照分數請免甚屬
無幾已具摺懇請

聖恩全免其徵收在司庫備公存剩銀內撥補完項可
否再按被淹分數

題報請免商酌前來

臣

查此項地土原係低窪若雨

水稍遲反加倍豐收凡雨澤應時即間有淹沒既

不為災自無須

是沈廷正奏摺已批諭矣

題報且此項租銀撫臣既已請免應候

聖諭遵行除札覆沈廷正外相應

奏明再據曲靖府知府劉斌詳稱據南寧縣勘報該縣東北二鄉田地低窪易於積水五月二十一夜廟高山起蛟山水陡發以致衝決圩堤田廬被淹今水勢日消其高阜之處禾秧未傷可望有秋圩

內低田尚有被淹至民房因水勢急驟間或衝倒
各村居民並無損傷理合轉報請飭各委員確查
等情臣隨批仰雲南布政司速飭委員勘明果否
成災據實詳奪又據撫臣沈廷正委勘之澂江府
知府王鐸詳稱六月初四日到曲靖帶同南寧縣
親往被災之所查勘東北二鄉李家等圩低田果
將圍堤衝決田苗淹沒近水草房被水浸壞倒塌
幸水勢雖大不過兩三時即退并未傷損人口俟

同該令清查被災頃畝分數及倒塌民房造冊另

報等情臣因蛟水陡發既稱不過兩三時即退現

在積水曾否全消可否補蒔秧苗未據聲明仍批

行雲南布政司速飭查明通詳外臣查滇省今歲

春雨霑足故春熟甚盛因四月末旬至五月間雨

水稍多高阜處所遍得栽插低窪田畝不無泛濫

撫臣沈廷正現已發庫銀五百兩交給委員酌散

衝塌田房之戶俟委員再細勘覆如應賑恤蠲免

錢糧即同撫臣會疏

題報合併奏

聞伏乞

聖主睿鑒臣謹

奏

覽

同日又

奏為奏

聞事雍正七年六月初五日新授廣東總督臣郝玉麟

赴任過黔臣謹遵

聖諭臣所知詳細講論諄切勉勵大畧謂廣東要地逼近海洋欲安民生必先靖賊盜欲靖賊盜在先飭官軍聞各鎮總兵有因公上省者沿河賊船並不迴避且以鎗礮遙逐官船官船搖櫓飛行亦不敢駐問又聞山賊哨聚人以千數並未懲創且賊案甚多十無一結信如此是大可慮應將武弁中

之貪劣庸懦者亟行叅革以儆衆志凡振刷處務
示以嚴厲而措置處須出於周詳如果將猛兵強
自必漸消潛避倘無制勝之具而驟欲擒賊恐賊
不能擒而先已損威後轉費手矣其大小文員內
才守兼優者料難多得須先取其才幹次論其操
守緣我能駕馭即有才幹而滑者亦可以濟事我
不能造就縱有操守而迂者其何能惠民凡接見
屬員稟商事件務虛心平氣令各盡所欲言庶得

周知情形以便裁處姦貪者必不可留粗直者切不可棄雖詞氣溫和却不離嚴整先使人不可犯而後次第條理庶官民相安而事易就緒再地方一切施設必先計可成然後再舉大學云事有終始而不言事有始終者蓋事必慮終而後謀始故凡所始事必終有成彼論是非不論成敗之說猶是為己私心原未曾關切民社耳又如道千乘之國首言敬事而信豈有敬事之人尚有不信實之

理此信字應作信賞必罰信字看即係果斷義蓋
每有敬事之人惟恐錯誤反致猶豫者故為下一
轉語人嘗言明決若臨事不能決即明處亦是假
此雖似腐語然於政治却係本論願交勉之至於
心術行止全要自己檢點可以自信即所以酬
恩一切揣摩瞻顧念頭萬萬不可起福是自求禍是自
取

聖心無倚著惟適如所應得幾曾見詭詐乖巧等人得

有好處我輩亦不須遠學祇將前後一切

上諭敬錄一冊常供案前時時詳繹事事體貼若將大
小輕重寬嚴緩急種種不同處俱能看成一片則
立身治事自皆有定見倘此時信不及須用心數
月先理散處再尋總處那時能入得進便出得來
許多言話更都用不著矣等語郝玉麟氣斂神悚
一一聽受但云任重事繁無少歷練若不得深知
素信之文武員弁相佐辦理更恐耳目難周擬懇

請

聖恩准於滇省內帶往十數人赴粵酌用以資指臂與
臣面商伏念同係封疆何敢少分彼此伊業經摺
奏應候

諭旨遵行至廣東提督臣王紹緒復奉

硃批大聰明人武弁中少者朕一見賞目所以不次擢
用但柔善沽名恐不勝巖疆之任耳若肯破面毫不
瞻顧非不能之人也著實寄字鼓舞之欽此臣已將

前後原由向郝玉麟備言之並密傳

聖諭令伊到粵留心訪問試看如有不勝任處即據實
奏

聞郝玉麟已欽遵敬記臣前已寄字王紹緒剴切勸勉
茲復寄字詳悉開導痛切規責去訖郝玉麟共住
八日於本月十三日起程赴粵約於七月望後即
可到任合併奏

聞伏乞

聖主睿鑒臣謹

奏

郝玉麟不但受朕深恩當知奮勉即卿此一番諄諄勸勉之友誼聞之而不動心自勵者除非木石也不但郝玉麟敘神聽受朕觀覽之下亦不覺踴躍生歡喜心矣前伊途中并動身時已摺奏數次觀伊立志甚堅而主見亦甚妥協然必待伊到任後方見其底裏也一者關其造化二者在朕之福量亦非可強求者只用人一節

其苦其難惟

上天與朕

皇考鑒之耳

雍正七年七月二十四日雲貴廣西總督臣鄂爾

泰謹

奏為恭謝

天恩事雍正七年七月初三日准吏部咨開總督鄂爾

泰自陳一疏奉

旨御忠誠體國公正廉明自簡任總督以來正已率屬
和輯兵民撫綏苗衆百度具舉懋著勲勤正資倚任
著照舊供職該部院知道欽此相應知照欽遵施行
等因到臣欽惟我

皇上

廣覆同天

至明並日

揚清激濁舉三載考績之典庶政咸熙

鑑澈衡平行百僚明試之條天工時亮

皇恩寵逮驚慚甚而但覺汗流

聖眷褒嘉感激深而無言泪下念去姦去偽去私去偏

去貪去暗

臣

爾泰固嘗洗滌於隱微而學忠學誠

學公學正學廉學明

臣

爾泰實未進窺其堂奧却

非存是縱不敏而請從由淺入深雖未能而竊願

諄諄

聖訓寤寐難忘懇懇

王言出入必警不敢以僚屬之過誤謂非臣之愆尤不敢以兵民之疲羸謂非臣之疾痛不敢以苗衆之獷悍謂非臣之疎頑不敢以百度之廢弛謂非臣之急惰苟垂倚之

異數敢自懈其股肱凜委任之

殊綸敢稍弛其負戴無勲勞之可報雖踵頂不重毫毛矢勤劬以自將即豚魚亦同血氣緣遵例不敢具疏謹繕摺恭謝

天恩伏乞

聖主睿鑒

臣謹

奏

數句稟籤諭旨何能盡述卿之忠誠功績也不過將大畧令天下臣工知之意耳

同日又

奏為恭謝

聖恩事雍正七年七月十二日

臣齋摺家奴蒙

恩賞銀十兩馳驛齎回

欽賜臣

御書扇八柄共三匣抵貴陽臣隨郊迎至公館恭設香

案望

闕叩頭謝

恩祇受訖敬啟摺扣荷蒙

硃諭

聖祖皇考當日甚喜朕書扇每年書進百餘柄有旨不著

書名命用閒字圖書今尚有存留在內者賜卿數匣
近日朕書法實不能及從前矣六年來亦未暇書扇
偶書一二柄自覺筆澀不及當年之興致也欽此欽
惟我

皇上

聖由天縱

學本性成

大孝至誠歷七年而如一日

用中行健勤三事而理萬幾憶承

聖祖之歡顏法書斯在仰答

上天之眷佑體物不忘

臣恭捧

天章萬里恍同咫尺敬觀

聖藻便面如覲

龍顏傳諸子孫寶勝球圖垂

寵光於奕葉鐫諸金石珍逾琰琬銘

恩德於肺肝前

賜_臣以扁聯日月光華時瞻仰乎

寶訓今

賜_臣以扇箴烟雲繚繞常披拂夫

薰風此

君恩無以復加而臣職不知所報者也再奉

硃批鄂昌人甚用得存心似正才具儘可再加教導歷
練不改初心可望成人在內學習與外任事體不同
及至外轉大用時仍須歷練豈不多費工夫歲月卿

意不過恐其錯悞即如卿負朕一般耳然朕用人自有斟酌除自暴自棄之下流無奈伊何但肯存心向上者自有造就之道也可勉勵之欽此敬仰

聖主造就人材勤勤懇懇之至意居心行事二者均重內事外事各有攸宜歷練望其及時寸陰是惜陶鑄直符化育片長不遺培必因裁傾原自覆或同頑石是自外甄陶苟具良心亦誰甘暴棄臣先以此惕慮臣即以此勸勉惟願內外臣工共思立心

制行以副

聖天子生成造就之盛心不特臣之一身臣之弟姪臣

之僚屬當期矢諸寤寐盟諸幽獨已也為此繕摺

恭謝

聖恩伏乞

聖主睿鑒臣謹

奏

覽卿奏謝矣

同日又

奏為黔省慶雲千秋特見事雍正七年七月十九日
據貴州思州府知府劉洵稟稱七月初八日自申
前至酉刻初見府城正北方有淡色紅霞舒徐散
布少頃光彩射日有青雲數片左右環合隨有深
淺紅雲四圍繚繞又見一朵紅雲宛如宮扇直上
半天大數十圍鮮華燦爛旁有光如錦練約長數
丈縹緲旋繞側邊有黃色雲如淡金雛鵝頃刻黃

雲邊又現出紅雲形色儼若珊瑚鮮明艷麗繼而
北方中間疊出青色雲約六七里其下皆藍碧色
雲似此雲成五色綵纈玲瓏有未能以言語形容
丹青圖畫者瞻仰之餘驚喜舞蹈一時滿城官弁
白叟黃童莫不額手聚觀咸稱為從來所未有斯
實上瑞奇祥

皇上誠格之符驗也復據府學教授張克惠都坪司副
長官司周琇具報前來謹摹仿繪圖呈報等情到

臣伏查黔省兩迤雨多晴少陰鬱潮蒸居民行旅俱以得見清明為瑞今歲自春徂秋霽日甘雨時和年豐黔之臣民無不交相慶幸頌

聖天子之格被而思州一府與黎平鎮遠接壤地逼楚疆忽見五彩慶雲色異形殊呈奇獻瑞臣遍查貴州通志從未經紀載比諸雲南尤屬僅見敬仰皇極日懋俾遐方盡沐光華

帝澤洪施致邊境共昭雲漢盛矣大矣

至德難名巍乎煥乎太平有象

上天重巽以申命是用誕告以彰

聖治之光昌臣賡歌以颺言惟願大書以補

皇輿於美備除俟會同撫臣張廣泗具疏

題報外合先繕摺竝將原圖恭呈

御覽伏乞

聖主睿鑒臣謹

奏

上天屢示嘉祥朕實倍加寅畏題到另有旨諭

同日又

奏為

聖德遠屆外國輸誠事雍正七年六月二十九日據雲
南臨元鎮總兵官邱名揚呈稱雍正七年六月十
一日據汎防猛灑目兵康天錫蘇鳳彩等稟報五
月初六日老撾國王子島孫差頭目叭五名先十
二名後生八十名備貢象二隻投順

天朝懇求轉達又有描金匣一箇內係呈總督緬文理

合稟明本職即差千總宣國鑑竝思茅土目刀興

國於十二日起程前往江壩一路接應照管來差

頭目人等撥備兵夫護送前來等情又據前委協

辦軍務之元江府知府遲維璽報同前事各到臣

臣伏查老撾國即古之越裳氏以先皆係土目名

以目稍大先目次之其土兵則統名後生僻處

南之極西南離省城六十八程自周成王時獻雉

之後數千百年未聞入貢雖元明之初名屬內附
然皆迫於壓制竝非出自諄誠未有不加兵威不
事招致而自效恭順萬里遠來如

今日者也茲蓋恭遇我

皇上

光被四表

寧及萬方

聲教無所不通囊括無雷之國

懷柔鮮有不至包涵出日之鄉重譯來朝

聖人興而萬方作覩梯航致貢

文德盛而四夷咸賓敬備

鳳闕之威儀不數貢契於西旅上供

羽林之鹵簿寧等獻翟於南淮不同赤雀蒼烏徒勞

跋涉大異種花綺繡空耀珍奇較玉帛於塗山何

須誅防風之後至比共球於商代豈必責荆楚之

來王斯誠我

聖主德無不屆遠無不來風動時雍固有無間於外域

者臣前據報並准撫臣札隨檄行雲南布政使張

允隨備辦犒賞供應等項令知府遲維璽照管來

省竝檄總兵官邱名揚如土目土兵內有留在思

茅等候者水土不服亦不必相強仍照常供應去

後茲據邱名揚稟該土目等於六月內可抵思茅

計七月末或閏月初可至省城俟臣回署接見來

目譯出緬文竝酌商定議會同撫臣沈廷正具疏

題報外所有老撾國輸誠進貢情由合先繕摺奏

聞伏乞

聖主睿鑒臣謹

奏

欣悅覽之朕所喜者非因外國之納款蓋以此國內附
則鎮沅新定一帶可保永永無虞矣此皆鄉忠誠任事
悉心體國之所致何慶如之

同日又

奏為奏報春熟事竊臣前報黔省春熟摺內有蠶豆

粒大如栗豌豆粒大如榛等語荷奉

硃批隨便帶些來朕覽不必多一半升足矣欽此謹將

蠶豆豌豆各一匣附呈

御覽臣查二豆初收新鮮時尚更肥大今已乾透猶少

果然異常之大此種額未知年年如是抑但今歲如是

也
覺縮小然黔省所僅見實可徵農祥至於各屬早

稻每於交秋成熟今歲節氣既遲而六月中旬後

早稻俱已登場臣於七月初據各處夷民來獻新

米竝呈穀穗其歡欣之狀殊有景象晚稻壯盛異常現已吐穗結實據各屬稟報秋成皆可卜十分而黎平古州苗地稻禾每莖長七八尺又有兩三穗者竟至遍畝生熟苗衆莫不歡呼以為從來所未有羣感

皇恩之遠播愈以堅其內附之誠黔嘗有謠曰天無三日晴地無三里平今陰晴以時數日一雨天氣和霽人情踴躍臣目睹耳聞實不勝慶幸敬驗

天時地氣此苗疆轉移之機臣務凜體

聖訓力修忠誠商同撫藩諸臣倍加調劑萬不敢少自

嘉悅覽焉

寬解致陷妖氛鬼魅而無所出豁也再雲南省田

禾茂盛亦可望豐收但自六月二十以後雨水過

多逼近河海郡縣內如雲南府屬之晉寧宜良二

州縣及楚雄府本治據報暴雨潰堤低田被水撫

臣沈廷正率領司道虔誠祈禱已於本月初六日

起天氣大晴雖續據各員稟報水已退消然終恐

今歲各直省大

聚皆有一事亦奇

不無傷損臣已飛飭布政司再委員查勘覆報俟

覆到是何情形另當奏

聞外合併陳明伏乞

聖主睿鑒臣謹

奏

覽

同日又

奏為請招無管生苗以安三省邊境事竊照貴州銅

仁一府地處黔省極邊逼近紅苗夷界向因路遠
苗強不能管轄僅於近府之烏羅等司地方薄築
土牆以分內外繼而楚苗通同作祟雖經用兵剿
撫設官防範而日久廢弛兇頑如故流官不敢輕
出邊牆苗人轉復侵擾內境然此猶地近黔省向
名歸附者自紅苗而外又有無管生苗北連湖廣
西接四川廣袤千餘里成化外之巨區居三省之
腹裏其中地土平行人民饒庶語言衣飾多如漢

人雞犬桑麻無異內地因並不隸於何省或為強橫土司所割據或為兇悍頭目所分侵向號四不管積習相沿由來已久查其接連楚省者則係保靖永順桑植容美中尚大旺臘壁高羅施南中路

東鄉散毛等司其內如保靖永順桑植三土司雖此事目下萬萬不可事情重大若清理此事必四省督

撫得現經湖廣督撫諸臣議請改流然此際正須籌畫人同心合力預為籌畫萬全一舉而可就緒今者

周密以圖一勞永逸接連川界者則係酉陽石耶

地壩平茶邑梅等司其內酉陽土司冉元齡自恃

萬柱

查郎阿憲德王國棟皆非能料理此事之人暫且

聽之

再者川陝精銳多派出滇黔官兵亦當令休息

地廣苗衆肆行兇惡或窩藏姦匪或殺劫善良尤

湖廣

民刁兵驕而從未經事非其時也此舉當密而又

屬渠魁首應鈴制此黔楚川接壤苗境之大局所

密之

將岳鍾琪等所奏朕之批諭發來卿觀看自知朕

當熟計開通者也臣留心已久未敢輕議今因公

意也

駐黔幸各處苗疆悉皆平定前項事宜自應籌及

因復密查博訪適有士民冉端等具陳前事隨交

兩司傳詢並面問情形大概悉皆符合本年五月

銅仁府知府姚謙赴省謁見臣看其明白老成猶

堪料理當將苗情詳細示知指以機要令其回郡

會同武員設法化誨去後陸續接據該文武稟報

會委吏目張公佐巡檢孟士毅把總張文炳廖自

新等先赴熟苗地方曉諭臣意令將犯案之兇苗

獻出以便究結舊案隨據該犯等自行投到候審

並不敢狡抗又訪得生苗中有頭目田金保者素

為羣苗推服因設法招致加以獎賞令其引導分

兩路前進據張公佐等化出生苗彭宗蓋牌黃版

至川新寨松桃上卡落下卡落拖把鄉木坪桃子

坪落塘蜡冲老堡子上稿坪抵哨金損沙流家多

盤豹老虎寨大平茶下寨小河平所偏岩獨嘴岩

鬼鳳鳴蓋倒水等共三十寨又據孟士毅等化出

邁柱

亦曾有聞黔省將楚界所轄生苗招去現今咨問

生苗老塘寨地甲柳瓦地宙弩矢坡霧露山爆木

該督

撫之奏朕批諭咨問果實可不必分彼此但全苗

山馬乾溪盤瀑小蜡耳大蜡耳上康金下康金紅

衆相

安不拘何省也

岩上標山下標山上盤朶下盤朶黃蓮寨禾黎坪

上嗅瑙下嗅瑙上十八棧下十八棧中十八棧大

鉛廠小鉛廠等共二十七寨又化出盤古打古藏

坪竹子山爛草坪上芭茅坪下芭茅坪上火燒炭
下火燒炭桿子均代董洗鉛寨罷巴等共十二寨
俱帶出各寨苗目龍見布龍豹子等七十餘名赴
府投見給以花紅銀牌賞以酒食宣揚

聖德令其永遠歸順并勸導未歸各寨一體受撫永為
良民該苗等無不歡忻鼓舞又據張公佐等報稱
坡西一路直進化誨共招撫百餘寨已抵鄰省邊
界該府姚謙等擬親進賞犒查勘逐漸經畫等語

除節次批行慎重料理外臣查遠近生苗一經招撫即紛紛內附出見投誠實因聞風向化故能共相觀感似此機有可乘勢無不便曷敢復有逡巡

但地界既屬遼濶苗寨亦分良頑所用黔員自未

楚省苗疆事宜可暫緩之且將已化之苗能令相安感

戴國思知向化之益其隣境觀望一二年不理而自治便越境料理楚川兩省附近文武須得協力始能

濟事如蒙

矣若急欲舉行倘遇不法兇苗再有漢嘉挑撥則新附

聖恩俞允容臣就便酌遣公辦俟招撫完竣後會勘界

之苗不能保其不被煽惑也此事愈緩愈安可遵旨行

址再分隸管轄各定考成庶申令專而奉行易用

力省而成功速將從來未服之苗藪同登版籍共
聽約束而三省之聲勢益通邊隅永靖矣緣為疆
界起見臣不敢少分彼此謹繕摺具

奏伏乞

聖主睿鑒

訓示遵行臣謹

奏

覽

同日又

奏為覆

奏事竊照安順府一帶歸順生苗所應建設分轄事宜竝丹江古州一帶苗疆剿撫就緒情形俱經臣前後會疏

題報在案其桃繞等寨獻出之漢姦楊世恒許揚清等發司審覆臣業恭請

王命傳集漢夷斬決示衆前檄令縛獻兇手盡繳兇器

方免其屠戮少敢違抗全寨剿洗之處續據副將
官祿來省面稟有丹江苗頭四十餘人約雞講苗
頭十數人赴營跪稱不敢反覆等語臣隨面諭既
屬自來應免其死即殺此數苗亦不足以示威竝
令逐寨曉諭嗣後敢少有反覆者必屠其全寨寸
草不留如有不法兵役敢於勒索嚇詐者亦即立
斃杖下隨令官祿回營并轉囑總兵哈元生去訖
茲據各將來稟大小丹江雞講并八寨等處頭人

俱求赴省見臣以明誠切臣已准其來省據此情

狀丹江一帶似可以無事矣其清水江並平夏三

寨據撫臣張廣泗札並知府方顯等稟清水江兩

岸各寨苗戶業俱上納錢糧開報丁口并二百餘

里遠隔之苗寨皆前來投順又江之南岸以外有

白衣苗一種更居僻遠亦相率歸誠前差兵役雇

苗船一百四十五隻徑由苗境下湖廣洪江令買

鹽布雜糧查探河路今於七月十四日已回據稱

所經過苗寨日有數百人聚觀無不驚喜爭來交
易以為過望其沿江水面較鎮遠河猶寬深不特
麻陽鰵船可以通行即小號巴桿船亦可往來無
礙至於平夏兇苗有上中下三寨中下兩寨案犯
前已擒獻鎗械俱已繳納惟上寨止獻案犯六名
尚有四名逃匿未獲軍器亦未盡繳因派令副將
張禹謨帶領官兵數百前往嚴行追捕搗其巢穴
彼等惟俯首求生無不聽命此案即可完結查清

水江一帶事既就緒又有總兵蘇大有駐劄彈壓
知府方顯防維拊循但須鎮靜亦料可以寧帖矣
七月初一日撫臣張廣泗已抵黎平札稱沿途所
經縣司村寨苗民情景甚屬歡舞并曾預經細訪
古州俱各安寧並無異說惟內中之月口二三寨
因上年傷害漢姦楊應科之事自懷驚疑現差土
舍通事齎示曉諭即應須懲創亦不難就緒俟交
與黎平協副將趙文英知府張鉞協辦料理即可

回省等語

臣

查苗所傷害如果係漢姦自可寬其

前罪教以自新即或借此支延或並圖抗拒亦不

妨故緩俟營制設定各寨相安料此數寨剿撫俱

易且趙文英張鉞皆係能事之員既可委辦撫臣

原不必久駐也前臣報明頑苗就撫摺內荷蒙

硃批嘉悅覽焉但善後事宜須謀萬全不可少有疑貳

頑苗經此一番懲創必有數十年之安靜若仍照舊

安插可以相安則更可免異日之煩勞如卿信得及

可一勞永寧又何憚而不為也此全在卿通盤悉心
籌畫而為之者詳慎之欽此又臣報明徧化生苗摺
內荷蒙

硃批添設營汛朕原有旨不可惜費但數千里生苗地
界內設汛彈壓恐武弁中未必能盡得其人而用之
倘因此小事故激成事端所關甚鉅恐將來不勝其
料理當熟思萬全妥協而為之不可因目下之恭順
而必其蠢頑之不復作也朕意可相其險隘苗界與

內地相連處多設兵以鎮撫為上此朕遙度之意卿
就近親視情形自有定見朕所諭者正恐因目下情
形有悞久遠之規畫也悉心籌畫料理不可視為輕
易夫苗頑之反覆何能保其必無但須先事圖維預
為防範可慎重為之欽此臣捧讀之下詳繹合叅敬
佩我

聖主明無不照萬里之外洞若觀火既經懲創可仍如
舊安插設兵鎮撫必與內地相連

聖謨宏遠洵籌邊之機要臣曾與張廣泗商論治苗非

以為苗所以安漢民也漢民安而苗亦共受其福
若深入其地則我軍孤注聲援既遠頑苗得以生
心且或有不肖劣弁見小生事致有激成反致難
於收拾現議設營汛如八寨丹江一帶苗地深險
兼少平土只應於總要隘口安兵控制如清水江
一帶本欲開通黔楚河道以利商民關係久遠必
應就苗寨安設重兵更將塘汛聯絡周密方保無

虞至於古州八萬固必當開闢但駐劄官兵亦只可就諸葛營此外深遠則但可遙制總之扼要處定須設重兵無事處並不必小汛防苗易防官軍難若既據險要能振威聲而又毫無騷擾毫無苛求日久漸摩不患不成內地張廣泗亦深以臣言為然茲祇承

聖訓心智益開識力益定務當詳慎料理通盤籌畫斷不敢視為輕易致厯

聖懷也俟撫臣回省將設官安營一切善後事宜并會
同提臣熟商定議臣即無程回滇以便接見老樞
來目合先聲明謹繕摺覆

奏伏乞

聖主睿鑒臣謹

奏

覽奏知道了

硃批諭旨卷一百二十五之十一



總校官庶吉士臣侍朝

校對官中書臣吳裕德

膳錄監生臣龍秉震